

NTÔ SCURARI, CIOVI

Ccu-ll'ali
abbòlunu i pinzèra
ê munti a-pprimu sulì.
Ntô vèspri,
cciù gn jàutu,
assicùtunu i venta a-gghìri a-mmari.
Ma quann'è ssira
tòrnunu
a-ttuòccu cchê ucèdha
ntê so nira a-mmasunàrisi.
Ppi mmia na nùvula si posa,
piulùsa,
supr'â ciàna.
E n'ùmm'ra muta sientu ca mi chiama : " Sùgnu ccà... ".
E iu, ccà, ciamu, supr'â nostra terra, l'acqua ca ciovì.

Aspittànnu,
ccu-ll'ùrtima ciarùra,
'bbràmu ri l'arma
è u sciùsciu c'accharizza
u sbrùffu
ca u cielu cerni
nfùscu
supr'ê casi.
"Vieni, bbìnirìtta, e mi vagni ."

Na bbrizza,
trièmula,
scìdhica sulidha ntâ vitrata.
Ri rintra è na làcrima ô spècciu n contra-luci
ca ô làbbu si ni scinni nzina ô cori.
M pinzieru
ntâ mamòria
è amaru,
a malincunìa.

Ora ... scrùsciu.
È u lamientu rô vièntu,
e gghiè a bburràsca ca ntô tettu tuppulìa
E sutta ô cielu
è ciàntu
ntô pièttu e supr'ê casi.
"Trasi, e mi lavi, patri.
Aspetta ca ti rapu."

QUANDO E' SERA, PIOVE - *Con le ali / volano i pensieri / ai monti a primo sole / Nel vespro / più in alto / inseguono i venti verso il mare / Ma quand'è sera / tornano / a frotte con gli uccelli / nei suoi nidi a riposare ./ Per me una nuvola si posa / pigolante sulla pianura E un'ombra muta sento che mi chiama : " Sono qua... " / E io qua invoco, sulla nostra terra l'acqua che piove./ Nell'attesa / coll'ultimo chiarore / brama dell'anima / è il soffio che accarezza / la brezza / che il cielo cerne / fosco / sulle case / "Vieni , benedetta e mi bagni"/ Una goccia / tremula / scende soletta sulla vetrata / Di dentro è una lacrima / allo specchio in contro luce / che al labbro se ne scende fino al cuore / Un pensiero / nella memoria / è amaro / la malinconia // Ora... scroscio. / È il lamento del vento / ed è la burrasca che sul tetto bussa / E sotto il cielo / è pianto / nel petto e sulle case / " Entra e mi lavi, padre / Aspetta che ti apro".*